



Concello
de Nigrán

ORDENANZA XERAL DE PREZOS PÚBLICOS

**ARTIGO 5. – EXENCIONS E BONIFICACIÓNS.**

Non se concederá ningunha exención nen bonificación na exacción da taxa.

ARTIGO 6. – DEVENGO E INGRESO.

Devéngase a taxa no momento de presentación no rexistro xeral do Concello da solicitude de celebración de cada matrimonio civil.

No suposto de que, con posterioridade á presentación da solicitude e antes da fixación da data para a celebración do matrimonio civil, os solicitantes desistan documentalmente da celebración, procederáse de oficio á devolución do 50 por 100 da cuota tributaria.

ARTIGO 7. – INFRACCIÓNS E SANCIÓNS.

En todo o referido á calificación de infraccións tributarias, así como das sancions que en cada caso correspondan, estarase ao disposto na Lei xeral tributaria.

ARTIGO 8. – NORMAS DE XESTIÓN.

Os matrimonios civís celebraranse na Casa do Concello os vernos e sábados desde as 10,00 horas até as 14,00 horas.

ARTIGO 9. – ENTRADA EN VIGOR.

Esta ordenanza entrará en vigor, e comezará a aplicarse, o día da súa publicación no Boletín oficial da provincia; permanecendo en vigor até a súa modificación ou derogación expresa.

Nigrán, 28 de xaneiro de 2013. – O Alcalde, Alberto Valverde Pérez.

2013000996

Aprobada definitivamente a ordenanza xeral de prezos públicos ao non terse presentado nengunha reclamación nen suxerencia no período de información pública da mesma, según acordo adoptado polo Concello Pleno, en sesión ordinaria celebrada o día 29.11.12; cumprindo o establecido nos artigos 49 e 70.2 da Lei 7/1985 do 2 de abril, reguladora das bases de réxime local (BOE número 80, do 03.04.85) publícase o texto íntegro da ordenanza citada:

ORDENANAZA XERAL DE PREZOS PÚBLICOS**ARTIGO 1. –**

O Concello de Nigrán, facendo uso da facultade indicada no artigo 127 do Real Decreto legislativo 2/2004 de 5 de marzo, que aproba o texto refundido da Lei reguladora das facendas locais (TRLRFL), e de conformidade co disposto nos artigos 41 ao 47 da citada Lei, regula os principios xerais e as normas comúns aplicables a todos os prezos públicos do Concello.

ARTIGO 2. –

1. Terán a consideración de prezos públicos as contraprestacións pecuniarias, de carácter non tributario, que se satisfagan pola prestación de servizos ou a realización de actividades que sexan competencia do Concello de Nigrán, sempre que non concorra nengunha das circunstancias indicadas na letra B) do artigo 20.1 do TRLRFL.

2. Non poderán esixirse prezos públicos polos servizos e actividades enumerados no artigo 21 do TRLRFL.

**ARTIGO 3. –**

1. O establecemento, modificación e fixación dos prezos públicos efectuarase polo Concello Pleno, ou pola Xunta de Goberno se o Concello Pleno delegara a competencia ao abeiro do establecido no artigo 47.1 do TRLRFL e no artigo 23.2.b) da Lei 7/1985, do 2 de abril, reguladora das bases de réxime local (LRBRL).

2. Os acordos de establecemento e fixación dos prezos públicos indicarán o servizo ou a actividade de aplicación, os supostos de feito dos que derive a obriga de pago e as contraprestacións pecuniarias esixibles por cada acto ou feito concreto, así como os aspectos singulares que foran precisos.

3. Cada expediente administrativo referido ao establecemento, fixación, ou modificación dun prezo público deberá conter, como mínimo:

- a) Proposta motivada formulada pola Alcaldía, ou polo concelleiro delegado da área que corresponda, que deba indicar (según proceda):
 1. Os servizos ou as actividades de competencia municipal que conlevan como contraprestación o prezo público.
 2. Os criterios obxectivos seguidos para a modificación ou derogación do prezo público.
 3. O texto do acordo de establecemento, fixación, modificación, ou derogación do prezo público.
- b) Nos supostos de establecemento dun prezo público, ou de modificación das súas contías, unha memoria económico-financieira na que conste:
 1. O importe parcial e total dos custos directos e indirectos, os financeiros e as amortizacións, da actividade ou do servizo.
 2. Os conceptos e os importes en euros do prezo público e, separadamente e se procede, do Imposto sobre o Valor Acrecentado (IVA).
 3. O grado de cobertura, polo prezo público, dos custos indicados no apartado b.1.
 4. No seu caso, a indicación e a xustificación da concorrencia de razóns concretas e obxectivas de carácter social, benéfico, cultural ou de interese público municipal que aconsellen fixar prezos públicos inferiores aos custos indicados no apartado b.1.
 5. A existencia de crédito adecuado, dispoñible e en contía suficiente na aplicación que proceda do estado de gastos do orzamento xeral do Concello para a cobertura, no seu caso, dos custos correspondentes en aplicación do indicado no artigo 4.2 desta ordenanza.
- c) Informe do Interventor Xeral no Concello de Nigrán.

ARTIGO 4. –

1. De conformidade co establecido no artigo 44 do TRLRFL os prezos públicos deberán cubrir, como mínimo, o custo do servizo prestado ou da actividade realizada, debéndose ter en conta para a determinación de aqueles todos os custos directos así como os indirectos, os financeiros e as amortizacións.

2. Sen prexuízo do indicado no punto anterior, e con carácter excepcional e puntual, poderanse fixar prezos públicos inferiores aos custos cando se aprecie motivadamente a existencia de razóns concretas e obxectivas de carácter social, benéfico, cultural ou de interese público municipal que así o aconsellen.

ARTIGO 5. –

1. Están obrigados ao pago dos prezos públicos os usuarios ou beneficiarios dos respectivos servizos ou actividades.

2. Cando, por causas non imputables ao obrigado ao pago do prezo público, o servizo ou a actividade non se preste ou desenvolva procederá a devolución do importe correspondente.

**ARTIGO 6. –**

1. A obriga de pagar os prezos públicos nace, en xeral, desde que se inicie a prestación do servizo ou a realización da actividade; debéndose facer efectivo o importe total mediante depósito previo a través das entidades financeiras designadas polo Concello

2. Para que poidan ser admitidas a trámite as solicitudes de prestación do servizo ou actividade, deberán ir acompañadas do documento que acredite o ingreso previo do importe total do prezo público en réxime de autoliquidación, de conformidade co establecido no artigo 45 do TRLRFL.

3. Os obrigados ao pago deberán efectuar a autoliquidación do prezo público correspondente no impreso habilitado ao efecto polo Concello de Nigrán, realizando o pago en calquera das entidades colaboradoras indicadas no impreso citado; o ingreso deberase acreditar no momento de presentar a correspondente solicitude ou inscrición.

4. O pago da autoliquidación terá carácter provisorio, e será a conta da liquidación definitiva que proceda, a realizar polo Concello de Nigrán, logo da oportuna comprobación administrativa.

ARTIGO 7. –

Para o non previsto nesta ordenanza nen nos acordos de establecemento e fixación dos prezos públicos, estarase ao disposto no TRLRFL, na Lei xeral orzamentaria, no Regulamento xeral de recadación e demais normativa aplicable.

Disposición final.

Esta ordenanza entrará en vigor e comezará a aplicarse logo da súa publicación no Boletín oficial da provincia de Pontevedra e unha vez transcorrido o prazo indicado no artigo 65.2 da LRBRL; permanecendo en vigor até a súa modificación ou derogación expresa.

Nigrán, 28 de xaneiro de 2013. – O Alcalde, Alberto Valverde Pérez.

2013000997

* * *

REDONDELA**EDICTO**

De conformidade co disposto no artigo 59.5 da Lei 30/1992, de 26 de novembro de Réxime Xurídico das Administracións Públicas e do Procedemento Administrativo Común, modificada pola Lei 4/1999, notificase a:

- M^a Isabel Tato Sánchez-Avda.de Redondela-Chapela- Redondela
- Raúl Tato Castro- Avda.de Redondela-Chapela-Redondela
- Francisco Sánchez Vázquez-Avda.de Redondela-Chapela-Redondela
- José Antonio Rivas Bouza-Avda. De Redondela-Chapela-Redondela
- Isabel García Rivas-Avda.de Redondela-Chapela-Redondela
- Juan Cortizo Caramés-Avda.de Redondela-Chapela-Redondela
- Basilio Núñez Martínez-Avda.de Redondela-Chapela-Redondela

O inicio do expediente núm. 39C/06 relativo á solicitude formulada por Francisco Pino Pino en representación de FRUTAS LOURIDO, S.L. de licenza municipal de apertura de actividade de FRUTERÍA a emprazar na Avda. de Redondela, 33-baixo-Redondela (Pontevedra), non sendo posible a notificación persoal despois de intentada no seu domicilio por dúas veces sen que fora posible practicala, feito do que obra constancia no expediente, cítase ao interesado/a para ser notificado por comparecencia, téndose que efectuar perante o Concello de Redondela, Negociado de Urbanismo, Servizo de Aperturas en horario de luns a venres de 9:00 a 14:00 horas, no prazo de 15 días contados desde o día seguinte ao da publicación deste anuncio no Boletín Oficial da Provincia de Pontevedra.